

汉魏丛书

漢魏丛书

右毛詩草木鳥獸蟲魚疏二卷見經典釋文云吳太子中庶子烏程令陸璣撰璣字元恪吳郡人隋志及通志藝文略俱題作陸機非也書流傳甚古自釋文及孔氏詩疏邢昺爾雅疏時時引證元陶宗儀始采入說郛明毛子晉更爲詩疏廣要刊入津逮秘書中而何氏漢魏叢書反棄不收今本蓋從唐宋叢書采補仍陶本也據經義考姚士粦言所藏陸氏疏本凡草之類八十木之類三十有四鳥之類二十有三獸之類九魚之類十蟲之類十

有八檢今本數皆不符又不知姚氏所據何本此書向未見有單行善本今江右大宗師仁和趙鹿泉先生著述最富于毛詩學用功尤深既著有詩細又校正此疏參合陶氏說郭毛氏廣要二本并取釋文及孔邢二疏所引句櫛字比加以案斷至精至詳然後此書得稱完善間出書藁屬湖州丁進士杰小山覆校丁君遂爲雕板吉安白鷺洲書院謨因間請頒發學官廣爲流布以嘉惠士子先生意更矜慎不以爲可然學者而

欲多識於鳥獸草木之名則於是書不可不知所  
宗尚也汝上王謨識

方東山分

蘭即蘭香草也春秋傳曰蘭而卒楚辭云初秋

孔子曰蘭當爲王者香也其於蘭似葉焉

蘭但實而長節節中亦有四葉人並謂之蘭

實則新種之蘭節中亦有四葉人並謂之蘭

古之稱蘭者多矣

蘭之爲物

宗尚此道土正始端

形

官

俗於斯然也雖草木之生限然其性不可不吸

毛詩草木鳥獸蟲魚疏上

吳陸

璣著

瀘溪石永齡校

方秉蘭兮

蘭卽蘭香草也春秋傳曰刈蘭而卒楚辭云紛秋蘭  
孔子曰蘭當爲王者香草皆是也其莖葉似藥草澤  
蘭但廣而長節節中赤高四五尺漢諸池苑及許昌  
宮中皆種之可著粉中故天子賜諸侯蒹蘭藏衣著  
書中辟白魚也

采采芣苢

芣苢一名馬舄一名車前一名當道喜在牛跡中生  
故曰車前當道也今藥中車前子是也幽州人謂之  
牛舌草可齧與煮同作茹大滑其子治婦人難產

言采其蟲

蟲今藥草貝母也其葉如栝樓而細小其子在根下  
如芋子正白四方連累相着有分解也

谷中有蕻

蕻似萑方莖白華華生節間舊說及魏博士濟陰周  
元明皆云菴蒿是也韓詩及三蒼云悉云蕻益母也

故曾子見益母感恩案本草云茺蔚一名益母故劉  
歆曰茺蔚穢卽茺蔚也

集于苞杞

杞其樹如樗一名苦杞一名地骨春生作莢茹微苦  
其莖似莓子秋熟正赤莖葉及子服之輕身益氣

言采其蕒

蕒今澤蕒也其葉如車前草大其味亦相似徐州廣

陵人食之

蕒與女蘿

草不蟲魚部  
二  
薦一名寄生葉似當盧子如覆盆子赤黑甜美女蘿  
今兔絲蔓連草上生黃赤如金今合藥兔絲子是也  
非松蘿松蘿自蔓松上生枝正青與兔絲殊異

有蒲與荷

荷芙蕖江東呼荷其莖茄其葉蓮莖下白藕其花未  
發爲菡萏已發爲芙蕖其實蓮蓮青皮裏白子爲的  
的中有青長三分如鈎爲薏苡甚苦故俚語云苦如  
薏是也的五月中生生啖脆至秋表皮黑的成實或  
可磨以爲飯如粟也輕身益氣令人強健又可爲糜

幽州揚豫取備饑年其根爲藕幽州謂之光旁爲光如牛角

### 參差苳菜

苳一名接余白莖葉紫赤色正圓徑寸餘浮在水上根在水底與水深淺等大如釵股上青下白嚼其白莖以苦酒浸之脆美可案酒  
于以采蘋一莖大如釵股上青下白嚼其白  
蘋今水上浮萍是也其粗大者謂之蘋小者曰萍季春始生可糝蒸以爲茹又可用苦酒淹以就酒

于以采藻

藻水草也生水底有二種其一種葉如鷄蘇莖大如箸長四五尺其一種莖大如釵服葉如蓬蒿謂之聚藻扶風人謂之藻聚爲發聲也此二藻皆可食煮按去腥氣米麴蒸爲茹嘉美揚州饑荒可以當穀食饑時蒸而食之

言采其茆

茆與荇菜相似葉大如手赤圓有肥者著手中滑不得停莖大如七柄葉可以生食又可齕滑美江南人

謂之蓴菜或謂之水葵諸陂澤水中皆有

### 蒹葭蒼蒼

蒹水草也堅實牛食之令牛肥強青徐州人謂之蒹  
兗州遼東通語也葭一名蘆莢一名蘆蘆或謂之荻  
至秋堅成則謂之萑其初生三月中其心挺出其下  
本大如箸上銳而細揚州人謂之馬尾以今語驗之  
則蘆蘆別草也

### 蓴竹漪漪

有草似竹高五六尺淇水側人謂之蓴竹也蓴竹一

草名其莖葉似竹青綠色高數尺今淇澳傍生此人  
謂此爲綠竹

苕之華

苕一名陵時一名鼠尾似王芻生下濕水中七八月  
中華紫似今紫草華可染皂煮以沐髮卽黑葉青如  
藍而多華

隰有游龍

游龍一名馬蓼葉龐大而赤白色生水澤中高丈餘

食野之苹

荦葉青白色莖似箸而輕脆始生香可生食又可蒸

食

于以采蘩

蘩皤蒿凡艾白色爲皤蒿今白蒿春始生及秋香美  
可生食又可蒸食一名游胡北海人謂之旁勃故大  
戴禮夏小正傳云蘩游胡游胡旁勃也

菁菁者莪

莪蒿也一名蘿蒿生澤田漸洳之處葉似邪蒿而細  
科生三月中莖可生食又可蒸食香美味頗似萑蒿

言刈其萇

萇萇蒿也其葉似艾白色長數寸高丈餘好生水邊  
及澤中正月根芽生旁莖正白生食之香而脆美其  
葉又可蒸爲茹

食野之蒿

蒿青蒿也香中灸啖荆豫之間汝南汝陰皆云散也  
采采卷耳

卷耳一名臬耳一名胡臬一名苓耳葉青白色似胡

荇白華細莖蔓生可煮爲茹滑而少味四月中生子

正如婦人耳中璫今或謂之耳璫草鄭康成謂是白胡荽幽州人呼爲爵耳

贈之以芍藥

芍藥今藥草芍藥無香氣非是也未審今何草司馬相如賦云芍藥之和揚雄賦曰甘甘之和芍藥之美七十食也

采葑采菲

葑蔓菁幽州人或謂之芥菲似菑莖粗葉厚而長有毛三月中蒸嚮爲茹甘美可作羹幽州人謂之茹爾